

nifesta. His tamen subiungo quod sunt substantia aliquando induit modum accidentis. ut quando consideratur per modum dicibilis de altero v3 secundo posteriorum. ita et accidens aliquando induit modum substantie ut sumptum in abstracto et per modum diffinibilis sub ratione entis absoluti

His notabilib<sup>9</sup> premisis pono aliqua documenta in hac materia per modum regularum. Prima regula est hec. Cuiuscunque propositionis cathogorice extrema ut subiectum et predicatum sunt consimilia omnino et equalia adiacentia denominationis illius propositionis quo ad adiacens est ab illis extremis sumenda. Regula patet. quia propositio est de tali uel de tali adiacente tanquam de tali uel de tali eius termino seu parte. Cum igitur ambe partes sint consimilia adiacentia erit ista propositio consimilis adiacentis cum illis extremis denominanda. Ex illa regula correlarie infero primo quod quelibet illarum propositionum est de secundo adiacente. que tamen essent secundum omnem aliorum opinionem de tertio. sortes est. homo est homo. homo est animal rationale. asinus est asinus. homo est asinus. et sic de aliis consimilibus.

Correlarium patet ex regula. quia in qualibet predictarum propositionum ambo extrema sunt secunda adiacentia. quia termini substantiales. quare et propositiones etiam erunt de secundo adiacente. Infero secundo quod quelibet illarum est de tertio adiacente. album est album. calidum est calidum. currens currit disputans disputat. album mouetur et sic de talibus. Correlarium patet ex regula sicut precedens.

Secunda regula est. quod cuiuscunque propositionis cathogorice extrema sunt dissimilia seu inequalia adiacentia ut gratia exempli vnum extremum sit primum uel secundum adiacens. et reliquum tertium. Denominatio illius propositionis quo ad adiacentia est a posteriori sumenda adiacente. ut gratia exempli a tertio. siue illud posterius adiacens sit in propositione subiectum. siue sit predicatum. Et quia hec est regula a me posita et non est conclusio. ideo non oportet probare. Nam regule non probantur. sed per eas probantur alia. Ego tamen eam aliquantulum persuado. Nam posterius adiacens respectu prioris adiacentis ut

secundum respectu primi. et tertium respectu secundi est sicut forma. et est que super additum priori adiacenti. Cum igitur a forma vel se habente per modum forme sit magis sumenda denominatio. sequitur regulam esse rationabiliter positam. Idem quia regulam habentur fundamenta operantia huius materie. Saluant dicta Aristotelis cum intentione sua. patet locutiones eius. et ab omnibus aliis usitatas et auctenticas non esse solum uoluntarias et sine fundamento. ut illi dicunt qui certe ignoranter loquuntur. Et ita patebit per correlaria defectus aliarum opinionum. Ex hac igitur regula primo sequitur quod quelibet illarum est de secundo adiacente. homo est. animal est. homo est ens ens est animal. Correlarium sequitur ex regula et de duabus primis conceditur ab omnibus. de duabus secundis conceditur ab opinione secunda. Et patet etiam a quarta. de aliis autem duabus ultimis probatur. quia in qualibet illarum ponitur primum adiacens ut pro subiecto. et secundum adiacens scilicet pro predicato. Sed a secundo adiacente tanquam a posteriori et formali respectu primi est sumenda denominatio. igitur et cetera. Sequitur secundo quod questio si est et questio quid est de quibus agitur in principio secundi posteriorum sunt circa propositionem de secundo adiacente. Correlarium patet. quia questio quid est est circa huiusmodi propositiones. homo est. animal est. ut querendo quid est homo. quid est animal. Et questio si est est circa huiusmodi propositiones homo est animal est. que omnes sunt de secundo adiacente ut patuit ex precedenti correlario. Et nota quod omnes alii licet uoluerint propositiones circa quas mouentur ille quonones ut si est. et quid est est de secundo adiacente tamen ex alia parte dixerunt illas propositiones circa quas mouetur questio quid est. ut est. homo est animal. et sic de aliis esse de tertio adiacente. ut quia in qualibet earum est speciale predicatum explicitum et superadditum uerbo. et ita ipsi sibi ipsis contradixerunt. Sequitur tertio quod quelibet illarum est de tertio adiacente homo est album homo currit. album est homo currens est homo. et sic de consimilibus. Correlarium patet ex regula. nam in qualibet predictarum ponitur vnum extremum. tertium adiacens licet coniungatur secundo.